



Inatsisartunut ilaasortaq  
Anthon Frederiksen, Partii Naleraq  
[Postnr.]

**Uunga tunngatillugu: § 37 naapertorlugu apeqquteqaat nr. 084, 2015**

Asasara Anthon Frederiksen

Qujanaq apeqqutinnut siusinnerusukkut Naalakkersuisut illit apeqqutigisannut akissutigisimasaannut tunngatillugu, Inatsisartut 2012-imi taamani Naalakkersuisuusunut Ilulissani GU-mik aamma timersornermut tunngasumik ilinniartitaanermik pilersitsisoqarsinnaanera pillugu misissueqqissaarnissamut pisussaaffiliinerannut tunngatillugu (§ 37 naapertorlugu apeqqut normu 15, 2015).

Matuma ataaniipput illit apeqqutigisannut akissutit:

- 1) *Suliaq Inatsisartut aallangernerat tunngavigalugu misissorneqartoq, qinersisoqarnissaa pissutigalugu naammassineqanngittoorsimappat suna tunngavigalugu misissuineq unitsinneqaannarsinnaava?*

**Akissut:** Misissuineramik suliaq taamani Inatsisartuusut tamatumunnga tunngatillugu UKI 2012-imi aalajangernerat tunngavigalugu aallartinneqarpoq. Aalajangerneq taanna taamani Naalakkersuisuusunut sammititaavoq.

Misissuilluni suliaq qinersisoqarnissaanik 31. januar 2013 aalajangertoqarnerani naammassineqarsimangilaq. Inatsisartunut qinersisoqarnissaanik aalajangernerup kingorna taamani Naalakkersuisuusut taamaallaat suliassat pisariaqavissumik isumagineqartussaataasut aallutarilermatigit. Tamatumanilu politikkikkut aalajangernernik tunngavilimmik suliassat ilaangillat.

Aalajangiiffigisassatut siunnersuut akuersissutigineqartoq Inatsisartuni piffissami pineqartumi atuuttuni politikkikkut amerlanerussuteqartut isumaannik tunngaveqartarpoq. Isummallu taamani atuuttut Inatsisartunut qinersinerup kingorna Inatsisartuni nutaani amerlanerussuteqartunilu tamatigit isumaqatigineqartanngillat. Tamannalu tunuliaqutaralugu ukiuni amerlasuuni Namminersorlutik Oqartussani ileqquvoq Naalakkersuisut nutaamik ivertittut siusinnerusukkut Inatsisartuni aalajangerneqartunut pitussimasannginnerat, Naalakkersuisut nutaat nalunaarutiginnippassuk Inatsisartuni aalajangernerusimasut aalajangersimasut pisussaaffeqarfiginiarlugit. Taamaattumillu aamma takornartaanngilaq Inatsisartuni aalajangernerusimasut saqqummiuteqqinneqartarnerat.

08-04-2015  
Sags nr. 2015-113493  
Dok. nr. 1927515

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: liknn@nanoq.gl  
www.nanoq.gl

Tamatumalu ilutigisaanik ilanngunneqassaaq Inatsisartut aamma Naalakkersuisut akornanni suliaassanik agguaaassisarneq annertunerusuni Naalakkersuisut aamma Inatsisartut pillugit Inatsisartut inatsisaanni nr. 26, 18. november 2010-meersumi, Inatsisartut inatsisaatigut nr. 26-ikkut, 18. november 2013-imeersukkut allanngortinneqartoq naapertorlugu aalajangersagaammata. Aalajangersakkani taakkunani allassimasoqanngilaq kingusinnerusukkut Naalakkersuisunngorumaartut siusinnerusukkut Inatsisartuusimasut aalajangernerannik tunngaveqartumik pisussaaffeqartitaasut. Tamatumalu assigisaanik Naalakkersuisunut ilaasortat akisussaaffii pillugit Inatsisartut inatsisaat nr. 6, 13. maj 1993-imeersoq aamma atuuttuuvog.

Tamatumali illuatungerisaanik inatsisit pineqarsimagaluarpata pissutsit allaassagaluarput, tassami kingusinnerusukkut Naalakkersuisunngortut aamma siusinnerusukkut Inatsisartuusimasut inatsisiliaannik malinnittussaammata.

2) *Inatsisartut peqqussutaat Naalakkersuisut suna tunngavigalugu atorunnaarsissinnaavaat?*

**Akissut:** Soorlu apeqqummut siullermut akissummi ersittoq, Inatsisartuni aalajangersakkanik unitsitsineq pineqanngimmat.

Naalakkersuisut nutaamik qinersisoqarnerata kingunerisaanik pilersinneqartut siusinnerusukkut Inatsisartuusimasut pisussaaffiliussimasaannut Naalakkersuisuusimasunut tunniunneqarsimasunut malinniinnartussaangillat.

3) *Suliap misissorneqartut naammassineqarsimannginnera sooq Inatsisartunut ilisimatitsissutigineqarsimanngila?*

**Akissut:** Naalakkersuisut nutaat ataatsimut isigalugu pisussaaffeqanngillat Inatsisartut nutaat ilisimatitsissuteqarfigissallugit siusinnerusukkut Inatsisartuusimasut siusinnerusukkut Naalakkersuisuusimasunut tunngasumik aalajangersimaneri maanna Naalakkersuisuusunut pisussaaffiliisuunngitsut pillugit.

Soorlu qulaani akissutinni ersittoq pissutsit illuanut sammipput. Namminersorlutik Oqartussani Inatsisartoqarnermi nalinginnaasumik ukiuni amerlasuuni ilequulersimasut tunngavigalugit Naalakkersuisut nutaat Inatsisartunut nalunaaruteqassapput, Naalakkersuisut nutaat siusinnerusukkut Inatsisartuusimasut aalajangigaannut pisussaaffeqartutut isumaqarunik.

Inussiarnersumik inuulluaqqusillunga

  
Nivi Olsen